



ԲՈՎԱՆԴԱԿՈՒԹԻՒՆ

№ 10

Նորին Կայսերական Մեծութիւն Օգոստափառ Թաղաւոր Կաջար
ԱՂԷՔՍԵՆԻՐ III (պատկեր):
Նորին Կայսերական Մեծութիւն Կայսրուհի ՄԱՐԻԱ ՅԷՅԻՍԹՈՐՈՎՆԱ (պատ.):
Առ Թագաժառանգն (ուղերձ) Ա. Մ. Ե. Պ.
Նորին Կայսերական Բարձրութիւն Թագաժառանգ Մեծ Իշխան ՆԻԿՕԼԱՅ
ԱՂԷՔՍԵՆԻՐՈՎԻՉ:

ՄԱԿԱՐ Ա. Կաթողիկոս Ամենայն Հայոց: Մ. Թ. Մուս.
Բարի Աստուծոյ Սաղերը Ա. Մ. Ե. Պ.
Հարսայ ժայռը (բանաստեղծութիւն)
Թիֆլիս. Իշխանի Պալատը (պատկեր): Մելիք.
Պարճենկոտ լուսինը Ա. Մ. Ե. Պ.
Նմանողութիւն (բանաստեղծութիւն) Խ. Մառանկոյեանց.
Երեք դանկութիւն (փոխադրութիւն)
Թիֆլիս. Վորոնցովի արձանը (պատկեր)

ԳԻՏՈՒԹԻՒՆ

Յրկրիս և իր վերայ եղած արարածների մասին դրոշներ. Ս. Ք. Բէդ-Նազարեան.

ՀԵՏԱՔՐԻՐ ՏԵՂԵԿՈՒԹԻՒՆՆԵՐ

Ջատ երդեցէք: Պարտիզպանական փորձառութիւնք: Կէտ ձկան խալը:

ԱՅԼ ԵՒ ԱՅԼՔ

Ինքնօրինակ լրագիր: Կրթութեան կապիկներ:

ԶՈՒՆՐԱՍԿԻՔ

Հաներուկներ: Բեբուսի վճռողներ: Բեբուս: Նախընթաց ԱՆՆ-ի մէջ եղած
Հաներուկի, խնդրի և բեբուսի բացատրութիւնները:

ԵՐԿՐՈՐԴ ԲԱԺԻՆ

Նոյին Կայսերական Մեծութիւնների Հնորհաբեր գալուստը:

ՄԱՏԵՆԱԽՕՍՈՒԹԻՒՆ

Սմալչո. Բնադրութիւն Ղ. Աղայեանց:

Թագաժառանգին «Աղբիւրի» մատուցած ընծան:

«Աղբիւրի» Գ. պրէմիան:

Այրի Աննա Մելիք-Յակոբեանի (Բախիլեւի աժուստու) նամակը:

ՅԱՅՏԱՐԱՐՈՒԹԻՒՆՆԵՐ

ԽՄԲԱԳՐՈՒԹԵԱՆ ԿՈՂՄԻՅ

Ներկայ ԱՆ-ի Հետ ուղարկում ենք առանձին մանրամասն լայ-
տարարութիւն և պատրաստած նամակներ ու ծրարներ. բաժանորդ
գրուողին ինդրում ենք բացի իր մանրամասն հասցէից աւելի ոչինչ
չըզրէ այլ նամակում:

Խնդրում ենք մեր բաժանորդներին «Աղբիւրը» տարածել իրանց
շրջանում և ջանալ կրկնապատկել մեր բաժանորդներին թիւը և այլ
շատ Հեշտ է, եթէ մեր ամեն մի բաժանորդ աշխատի ինքն էլ մի
նոր բաժանորդ գտնել:

«ԱՂԲԻՒՐԻ» ՎԱՃԱՌԱՆՈՅ

Յատկապէս երեխաների, աշակերտների և ընտանիքների համար: «Աղբիւրի» վաճառանոցում ծախվում են մանկական գրքեր, պատկերներ, նկարներ, նստաներ, բազմատեսակ շքեղ իրեղէններ երեխաներին և աշակերտներին ընծայելու համար. դպրոցական և դաստիարակական հարուստ և բազմատեսակ պիտույքներ. տպվում են նոյն վաճառանոցում մօնօգրասմներ (գարդարուն գլխատուեր նամակների ճակատներին). գրելու, փօստի և ՏՊԱՐԱՆԱԿԱՆ ամեն տեսակ ընտիր ԹՂԹԻ ՄԵԾ ՊԱՆՆԱՅ, որ կազմում է Ս. ՊԵՏԵՐՏՈՒՐԻԻ ՎԱՐԳՈՒՆԻՆ ԵՂԻՍՅՈՒՆԵՐԻ ՀՈՉՍԿԱՒՈՐ ԹՂԹԻ ԳՈՐԾԱՐԱՆԻ ԿՈՎԿԱՍԵԱՆ ԲԱՃԱՆՄՈՒՆՔԸ:

Վաճառանոցը ընդունում է Ռուսաստանում և արտասահմանում հրատարակուող մանկական թերթերի բաժանորդագրութիւն:

Վաճառանոցը կամենալով դիւրացնել գաւառաբնակ հեղինակների, թարգմանիչների դործը, ընդունում է Թիֆլիսում տպագրել տալու նրանց աշխատութիւնները: Ընդունում է միջնորդ լինել և պատուիրել նրանց համար ամեն տեսակ պատկերներ, կլիշաներ: Վարձու է տալիս «Աղբիւրի» ծաղկատառերից և նկարներից:—Վաճառանոցն ընդունում է կօմիսիայով ծախելու զանազան հրատարակութիւններ: Վաճառանոցում զետեղուած է և «Աղբիւրի» խմբագրութեան գրառենեակը:

Վաճառանոցը չանձն է առնում գաւառական և դիւղական ուսումնարանների համար կազմել գրագարաններ, քիմիական լաբօրատօրիաներ, ֆիզիկական կաբինետներ, մանկական խաղեր և դպրոցական ու մանկական հասակի վերաբերեալ պարագաներ:

Վաճառանոցն ունի իւր սեպհական կազմարանը, պատրաստում է պատկերների համար ամեն տեսակ և գնանոց շրջանակներ: Պատուէրները կատարվում են ճշտութեամբ և անյապաղ:

Օտար քաղաքներից գիմում են՝ Тифлисъ. Магазины Дѣтскаго журнала „Агбюръ“. Իսկ հեռագրով՝ Тифлисъ, „Агбюръ“.

ԲԱՅՈՒՆԺ Է ԱՌԱՋԻԿԱՅ 1889 ԹՈՒՆԿԱՆԻ ԲԱԺԱՆՈՐԴԱԿՐՈՒԹԻՒՆԸ



ՄԻԱՄԱՆԱՅ ՊԱՏԿԵՐԱԶԱՐԴ ՀԱՆԳԻՄԻ

ԵՕԹԵՐՈՐԴ ՏԱՐԻ

Կրկնատարակուի նույն ուղղութեամբ և նույն աշխատակիցների մասնակցութեամբ: Եթէ առաջիկայ 1889 թուականին «ԱՂԲԻԻԲԻ» բաժանորդների թիւը հասնէ 3000-ի, Բ. ՄԱՍԸ ԿԸ ՀՐԱՏԱՐԱԿՈՒԻ ՆՈՅՆ ՉԱՓՈՎ, ՈՐ-ՔԱՆ Ը. ՄԱՍԸ Է:

ԱՌԱՋԻՆ ՊՐԷՄԻԱՆ Է. ՄԻ ԳԵՂԵՅԻԿ ՕԼԻՍԳՐԱՖԻԱ.



Ա Ր Շ Ա Լ Ո Յ Ս



ԱՆՅԵԱԼ ՏԱՐՈՒՆՅ ՊՐԷՄԻԱՅԻ ԿՐԿՆԱՊԱՏԻԿ ՄԵԾՈՒԹԵԱՄԲ.

Ստացուած են արդէն 3000 օրինակ, բաժանորդ գրուողը հէնց իսկոյն կրստանայ Ա. պրէմիան, որ թէ Թիֆլիսում և թէ հայաբնակ քաղաքներում մեր գործակալների մօտ գրուած են ի ցոյց հասարակութեան:

Բ. պրէմիան՝ մեր տաղանդաւոր նկարիչ Գ. Բաշինջադեանի «ԱՐԱՐԱՏ» մեծագիր պատկերը (աւելի մեծ քան «Աղծամարայ ծովակը») վիճակ կը գցուի մեր բաժանորդների մէջ սեպտեմբեր ամսին: «ԱՐԱՐԱՏ» տանող բաժանորդը եթէ կամենայ՝ կարող է նրա փոխարէն ստանալ 100 ռ.:

Գ. պրէմիան՝ ՊԱՏԻ ՕՐԱՅՈՅՅ 1890 թուականի, կուղարկուի բաժանորդներին ղեկոտեմբերի Ա-ի հետ:

Բացի որանցից՝ տարուայ ընծացքում կառաջարկուին հանելուկներ և բերուաներ, որոնց ԱՌԱՋԻՆ վճարողները կրստանան մ ր ց ա ն ա կ ն ե ռ—գրքեր, պատկերներ, ալբոմներ, դրաններակի զարդեր եւայլն:

ԲՈՎԱՆԴԱԿՈՒԹԻՒՆ

ՄԱՍՆ ԱՌԱՋԻՆ

I) Վէպեր, մանրավէպեր, զրոյցներ, առակներ, հէքիաթներ, ճանապարհորդութիւններ, կենսագրութիւններ: II) Բանաստեղծութիւններ: III) Գիտութիւն և արուեստ: IV) Նոր լուրեր: V) Այլեւայլք:

Զ Ո Ւ Ս Ր Ճ Ա Լ Ի Ք

VI) Մանկական, Փրեօքէլեան, շախմատի և այլ խաղեր, բերուաներ, Թաւարանական խնդիրներ: Սնեկդօտներ, հանելուկներ, շուտասելուկներ: VII) Երգեր՝ ձայնադրած (նօտաներով):

ՄԱՍՆ ԵՐԿՐՈՐԴ

VIII) Կըթութեան և դաստիարակութեան յերաբերեալ յօդուածներ և տեղեկութիւններ: IX) Առաջարկութիւններ, խորհուրդներ: X) Մատենախօսութիւն և նոր գրքեր: XI) Խառն լուրեր: XII) Պատասխաններ. Յայտարարութիւններ:

«ԱՂԲԻԻԲԻ» տարեկան բաժանորդագիրը 3 ռ. է, պրէմիաների ծրարի համար պէտք է ուղարկել 4 հատ 7 կ. մարկաներ:

ԱՊԱՌԻԿ ՈՉ ՈՔԻՑ ԶԻ ԸՆԴՈՒՆՎՈՒՄ:

Հասցէն՝ Тифлисъ, Редакція «Агбюръ», իսկ արտասահմանից՝ Tiflis (Caucase) Rédaction de la Revue «AGBUR».

Խմբագիր-Հրատարակիչ ՏԻԳՐԱՆ ՆԱԶԱՐԵԱՆ

Ա Ղ Բ Ի Ի Ր

ՄԻԱՄՍԵԱՅ ՊԱՏԿԵՐԱԶԱՐԴ ՀՐԱՏԱՐԱԿՈՒԹԻՒՆ

Ե Ր Ե Խ Ա Ն Ե Ր Ը

ԵՒ

ԴԱՍՏԻԵՐԱԿՆԵՐԻ ՀԱՄԱՐ

ՎԵՅԵՐՈՐԴ ՏԱՐԻ

№ 10

ՀՈԿՏԵՄԲԵՐ

Дозволено цензурою. 3 Октября 1888 г. Тифлисъ.
Типог. И. Мартиросіанца, на Орб. ул., д. № 1/2.

Թ Ի Ֆ Լ Ի Զ

ՅՈՎՀԱՆՆԷՍ ՄԱՐՏԻՐՈՍԵԱՆՅԻ ՏՊԱՐԱՆ

ՈՐԲԵԼԵՆՆ ՓՈՊՈՑ, № 1/2

1888



ՀՈՐԷ ԿՅՈՒՆԱԿԱՆ ՄԵԾՈՒԹԻՒՆ ՕԳՈՍՏԱՓԱՌ ԹԱԳԱՌՈՐ ԿԱՅՍՐ

ԱՂԷԲՍԱՆԴԻ ԻԻԻ



ՀԱՐՈՒՆԻ ԿԱՅՍԵՐԸՆԸ ՄԵԾՈՒԹԻՒՆ ԿԱՅՐՈՒՅԻ

ՄԱՐԻԱ ՔԵՐԵՐԵՐԸՆԸ



ԱՌ ԹԱԳԱԺԱՌԱՆԳՆ

ի 28 Մեպտեմբերի



Բարեաւ, բարեաւ ի մեր աշխարհ
Եկիր վեհին Դու պայազատ.
Ամենեքին զլուխ ի խոնարհ՝
Տան Քեզ ողջոյն ի սէր առատ:

Ո՛վ մեծագօր իշխանութեան
Վաղուեան Արեգ յուսապայծառ,
Ողջոյն, ողջոյն արշալուսիդ
Մաղթեն Մասիք Հաղար-Հաղար:

Լեռն ալևոր, որի աչիունք
Յաւերժական իւր դագաթէն
Վրկանք նկատեն ու Պոնտեան ափունք,
Զրջեալ այժմ ի Քեզ նայէ՛ն:



ՀՈՐԻՆ ԿԱՅՍԵՐԱԿԱՆ ԲԱՐՁՐՈՒԹԻՒՆ ԹԱԳԱԺԱՌԱՆԳ ՄԵՆ ԻԶԽԱՆ

ՆԻԿՕԼԱՅ ԱՂԵԲՍԱՆԴՐՈՎԻՉ

Տուր, օն, շողքդ սառնարանին,
Թող արձակուին կապեալ լեղուք.
Կարկաչաձայն սահեալ հոսին
Վէտ-վէտ ալեօք ցնծուն առուք:

Եւ անդ ի հովիտս
Այրարատ երկրին՝
Հաշտ հետ ձիթենուն
Պիտ՝ տեսնես դափնին,
Քրտամբ մշակին
Ուռղեալ յաճումն,
Վեհի ճակատիդ
Ի պսակ ոլորուն:

Բարեան, բարեաւ ի մեր աշխարհ
Եկիր Վեհին Դու պաշտօտ,
Ոսկի ամաց Քեզ փայլուն շար
Մաղթէ հայկեանս Այրարատ:

Ա. Մ. Է. Պ.

ԹԻՖԼԻՍ, 1888.






Մ Ա Կ Ա Ր Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ



ԲԱՐԻ ԱՍՏՈՒԾՈՅ ՍԱԳԵՐԸ



Եր գիւղի տէրը մի տղայ ունէր: Երեխան այնքան չար էր, ծոյլ էր և կամակոր, որ ոչ մի կերպով ուղղել չէին կարողանում, ուստի նրան յանձնեցին քահանային, որ նա լիորձէ մեղմացնել և ուղղել:

— Ես ոչինչ չեմ կամենում շինել, ասում էր երեխան, ես ազնուական եմ. ազնուականը ոչինչ չի շինում. տեսէ՞ք իմ հօրս:

Քահանան նրան բացատրում էր, թէ նրա հայրը ուլանի գնդապետ է եղել, թէ գնդապետ լինելուց առաջ պէտք է մայօր, հարիւրապետ, տասնապետ և դեռ զինուորական ուսումնարանում աշակերտ լինել, և թէ աշակերտ լինելու համար պէտք է գիրք կարդալ և իր անունը գրել իմանալ, պէտք է զինավարժութիւն անել և այսպէս շատ ու շատ լաւ-լաւ բաներ գիտենալ:

— Ի՛հ լաւ, ասաց երեխան, ես կամենում եմ բարի Աստուած լինել: Բարի աստուածը ոչինչ չի անում:

Քաճանախ ձեռքերը դէպի երկինք բարձրացրեց.

—Գոնէ մտածէր, իմ երեխայ, ասաց նա, որ Աստուած կառավարում է ամբողջ աշխարհը: Այն ձեռքը, որ արեգակին է պտտեցնում, մըջիւնին էլ ուղեկցում է նրա նեղ շաւղի վրայ: Նրա հայեացքը ընդգրկում է միաժամանակ ամբողջ տիեզերքը և այն ամենափոքր միտքը, որ յղանում է մարդու սրտի մէջ: Նա լսում է երկնքից ներդաշնակութիւնը և խոտի աճման ձայնը: Աստուած երբէք չի հանգստանում:

Բայց երեխան կամակոր էր: Նա այնպէս վճռական կերպիւ բարի Աստուած լինել էր կամենում, որ մերժեց քնել, եթէ նրան աշխարհի տէրը չը դարձնեն: Թէ սպառնալիքներ և թէ աղաչանքներ, ամենն ի դուր անցան, մինչև որ տէրտէրակինը չար երեխային մի անկիւն տանելով խոստացաւ որ նա միւս օրը բարի Աստուած կըլինի:

Այս համոզմամբ նա անկողին մտաւ: Գիշերը, որ խաղաղութիւն է բերում, չը փոխեց մանկան մտածմունքները, և զարթելիս նրա առաջին հարցը եղաւ, թէ ինքն Աստուած է արդեօք:

—Այո, ասաց տէրտէրակինը. բայց այսօր կիւրակի է, ժամերգութեան ժամանակ է, իսկ բարի Աստուածը չէ կարող այնտեղից բացակայ լինել:

Նրանք ճանապարհ ընկան դէպի տաճարը:

Ճանապարհին անցան մի մարգագետին, որ գիւղատիրոջն էր պատկտնում: Թռչունների արածացնող աղջիկը այստեղ էր արածեցնում դղեակի սագերը:

Երբ որ այս աղջիկը ժամերգութիւն լսելու գնացող գիւղացոց տեսաւ, վազեց նրանց հետ միանալու:

—Վառվառ, միթէ դու սագերին մենակ ես թողնում, գոչեց երեխան:

—Միթէ կիւրակի օրը սագերին արածեցնում են, պատասխանեց Վառվառը, այսօր տօն է:

—Ուրեմն ո՞վ պիտի նրանց վրայ հոգայ, հարցրեց երեխան:

—Կիւրակի օրը բարի Աստուածն է նրանց արածեցնում, իմ սիրելի պարոն, սրանք բարի Աստուծոյ սագերն են, ասաց և առաջացաւ:

—Իմ երեխայ, ասաց տէրտէրակինը, դու հօ լսեցիր Վառվառի խօսքերը: Մեծ ուրախութեամբ քեզ եկեղեցի կրտանէի, որ երգեհոնի ածելը լսես, բայց որովհետեւ այս սագերին կարող է մի դժբախտութիւն պատահել և բարի Աստուածը դու ես, ուրեմն դու էլ պիտի նրանց արածացնես:

Ի՞նչ կարող էր պատասխանել իմ փոքրիկ աղնուականը: Դէմքի վրայ մի ծամածռութիւն արեց և վագեց սագերին արածացնելու:

Երեկոյին տուն վերադառնալով, նա խոստացաւ որ այլ ևս չի ստիպիլ, որ իրան բարի Աստուած շինեն:

Նա լաւացաւ, ուղղուեցաւ և հասկացաւ, որ ամեն մարդ այս աշխարհում պիտի աշխատէ:

Մ. Թ. Մուս.



ՂԱՐՍԱՅ ՓԱՅՈՒՆ

Լեռնոստի կողքում ցրցուած էր մի ժայռ՝
Աւերիչ ուժը կըրծքում թագուցած.
Դարերից ի վեր այն բարձրում նըստած՝
Նայում էր, նայում էր, նայում էր դէպ վայր:

Իւր գըլխին վերև ամպրոպք անդադար
Եւ հողմունք երկրի մարտ էին մըղում,
Եւ արծիւն այնտեղ իւր թւը բախում.
Բայց նա նայում էր, նայում էր դէպ վայր:

Իրնից ըստորև, իրնից շատ խոնարհ,
Խեղճ աշխատաւորն ունէր աղքատ տուն,
Կար և տուն ուսման, ևս աղօթատուն.
Եւ նա նայում էր, նայում էր դէպ վայր:

Սնուշիկ մայրըն անդրանիկ մանկան
Կաթըն էր տալիս. առընթեր նորան,
Միջօրէ ժամին, հանգչում էր այրը.
Իսկ նա նայում էր, նայում էր,— ժայռը:

Յանկարծ ցընցուելով գետինը գողաց,
Օդը փռելով լի էր, խեղդւում.
Դղրդուեց տունն ուսման, ևս աղօթատուն,
Եւ արդէն չըկար տընակ խեղճ Հայուն:

Անցան ըոպէներ, օդըն յիստակուեց,
Վախեցած մարդիկ յետ ուշքի եկան՝
Վերուցին աչքեր, լեռնոստն երևեց.
Այլ ժայռն իր տեղում նոքա չըտեսան:

Ահա նա գետնին փրուռած՝ յաղթ մարմնով,
Կարծես հըրճուում է դառն երգիծանքով՝
Որ իւր ուժի տակ խեղդեց ծընողքին,
Հողմոց նըշաւակ պահելով ձագին: *

Ա. Մ. Ե. Պ.

* 1884 Թուականի ապրիլ ամսի 3-ին Ղարսայ բերդի բարձրիցը մի ժայռ է պոկ զալիս եւ յառաջ է բերում սոյն ոտանաւորում պատմուած աղէտքը:





ԹԻՖԼԻՍ. ԻԶԽԱՆԻ ՊԱՆԱՏԸ.

ՊԱՐԾԵՆԿՈՏ ԼՈՒՍԻՆԸ

Ա.



ըւը մօր գիրկն էր մտել. մութը սար ու ձոր, դաշտ ու ծով կոխել, սեւացրել նրանց փայլուն, սիրուն տեսքը. լուել էր բնութիւնը առ վայրկեան: Հարթ-հաւասար, մուգ-կապույտ, լայնատարած ծովի վրայ կանգնած էր լուռ ու մունջ գարնան մեղմ գեփիւռը. այդ խորհրդաւոր պահուն էր, որ կապույտ ծովի չորս ծայրերի վճիտ յատակից դուրս ելան չորս պարկեշտասուն կոյս աղջկունք: Նրանք չորս հարազատ քոյրեր էին իրար նման՝ ձիւնի պէս ճերմակ էր նրանց մարմինը. մարմարից կտրած էր նրանց հասակը. սե սաթի պէս ալիքանման խոպոսլիքները փափլիկ, սպիտակ, կոլորիկ, հոլանի զոյգ ստինքներն էր աջ ու ձախ կողմից նուրբ ստուերարկում, իսկ գանգուրների մեղմ հոսանքը փղոսկրեայ կռնակներին էր անփոյթ թափ-թափած. կիսով չափ էր ծածկում նրանց լուսափթիթ մարմինները թափանցիկ սփածանելին: Նրանք պաղ, լրստակ կաթնանման ջուրը չոմփ-չոմփ երեսներովը տուին և մի-մի վարդ փռուեցաւ նրանց աչտերին:

Չորսն էլ լուռ կանգնած էին. վերջապէս աւագ քոյրը ձեռքը վեր բարձրացրեց. խրհրդաւոր էր նրա նշանը, քոյրերը իրանց համեստ, առաքինի հայեացքը դարձրին դէպի արևելք և սպասում էին նրա հրամանին: «Ժամ է, սիրելի քոյրեր, օն յառաջ լողալու, մեր Մայր Թագուհու մահճակալը իր սրսկապանից վեր հանելու, խաւարապատ աշխարհը լոյսի է կարօտ». ասաց ու փռուեցաւ անշարժ հայելու վրայ. նրա օրինակին հետևեցին և իր քոյրերը:



ողում էին չորս քույրերը գէպի յառաջ, լողում էին գէպի ծովի կենդրոնը, մուգ-կապույտ հայելին երեր-վում էր և կռնակների վրայ փռուած գանգուր գիսակնե-րը մեղմ ալիքների հետ ներդաշնակ պար բռնած պարում էին: Նրանք բախումով էին ընթանում միասին, երբ դուրս էին հանում լուսազարդ հոլանի կռները, դրանց յա-ջորդում էր սփածանելիով ծածանուած քնքոյշ ոտերը. ցայտում էր ջուրը աջ ու ձախ, մարգարիտ ու ադամանդ էր թափթփվում ակօսած ճանապարհներին:

Հասան իրանց նպատակին, ծովի մէջտեղն էին. չորս գլուխները կլոր շրջան էր կազմում, վեր բարձրացան, վարսերը յարգարեցին և գլխի վայր ներս սողուեցան ծովի յատակը—իրանց սիրելի Թագուհու ննջարանը:



ճյս, լնյս, լնյս, լուսաւորութիւն». չորս հարա-գատները անուշիկ ձայնով գեղգեղում և ուսերի վրայ ակ-նածութեամբ վեր էին բարձրացնում Մայր Թագուհու մահ-ճակալը: Մի ակնթարթ—մուգ-կապույտ հայելին ծիրանիի փոխուեցաւ՝ երևեցաւ Թագուհու շառագոյն քողապատ մահճակալը: Չորս գլուխները չորս անկիւններում շառա-գունած խոնարհել էին և սպասում էին նրա զարթնելուն:

Գարնան սիւզը ծովափնեայ բուրաստանների բուրմուն-քով համակուած՝ ոլոր-մոլոր, մեղմիկ, գողգոջ մակերևոյ-թի վրայ խաղալով՝ ակնածութեամբ խնկարկեց լուսաճա-ճանչ Թագուհուն: «Ի՞նչ անուշահոտ է անմահական դը-րախտի բուրմունքը». ասաց և բացաւ նշաձև, լուսալիր, նախշուն աչերը, նստելով տեղը. կապույտ ծովը դօտւորեց ծիրանածայր ծոպերով նրա նուրբ ու քնքոյշ մէջքը:

Լուացուելու պատրաստութիւն են տեսնում. կրտսեր քոյրը փղոսկրեայ հրաշալի բանուածքով կոնքը ձեռին, խոնարհ դէմքով կանգնեցաւ Մայր Թագուհու առաջ. երրորդ քոյրը՝ բուրաստանների ծաղկունքներից հաւաքած անարատ ցողով լեփ-լեցուն մարգարտայեռ, ոսկեայ ջրկճի բերանը խոնարհեց Թագուհու մարմարեայ ձեռքերին. լուացուեցաւ: Երկրորդը կարապի բնբուկից պատրաստած փափուկ երեսըրբիչով սրբեց նրա ձեռքն ու երեսը: Աւագ քոյրը՝ աւագ նաժիշտը գիսախուի գլուխն է սանրում կիտոսկրի սանրով. ոսկեվարսեց, խոպուպեց կուրծքն ի վայր Թափթփեց, գանգրեց և կռնակն ի վայր Թողեց անփույթ իջնելու:

— «Պատրաստ էք, ով Մայր Թագուհի, ելէք ծովից և լուսաւորեցէք խաւարապատ աշխարհը. ձայն տուաւ աւագ նաժիշտը:

— Պատրաստ եմ, ասում ես. հայելու մէջ տեսնում եմ գիսախուի մազերս գանգրած միայն. միթէ իմ զարդն ու զարդարանքը միայն իմ ոսկէ վարսն է կազմում. նայիր, իմ կամար յօնքերը քեզ սլէս վարպետ նաժշտի ծաղիւրին են կարօտ, իմ ճերմակ-ճերմակ այտերը սնդուրի:

— Պատրաստ եմ կատարելու ձեր հրամանը, ասաց և սկսեց բնատուր տաղանդը փայլեցնել. գեղերեսած ձիւն այտերի վրայ նկարչուհու վրձինը մայիսուայ նորաբաց ցողաթաթախ վարդեր կենդանազրեց և քնքոյշ, փոքրիկ բերանին մի կիսաբաց վարդ. ծաղիւր քաշեց յօնքերին և բնական նախշուն յօնքերը աւելի գեղեցկացան և նրանց տակ հրալիւր աչքերը կարծես աւելի փայլ ստացան: Թագուհին ուրախ էր. հայելուց պոկ չէր գալիս, զմայլեցաւ իր նաժշտի ի վերուստ ներշնչեալ նկարչական տաղանդով: «Վարդեր, ճիշդ վարդեր է ստեղծել քո ճարտար ձեռքը, բեր, մօտեցուր մի համբուրեմ այդ քո ձեռքը. եթէ ինձ իրաւամբ անուանում ես Թագուհիների մայր, ես էլ քեզ

այսուհետև կանուանեմ նկարչուհիների մայր»․ ասելով վրձինը բռնած ձեռքը համբուրեց:

Դ.



ուսափառ Մայր Թագուհին ծիրանին հագած ուռած-ուռած, սիգածեմ վեր-վեր բարձրացաւ, նաժիշտները չորս շուրջ պար առած: Բայց նա կարծես աւելի շտապ է սլանում երկնականարի անհուն տարածութեան վրայ և ասես երկար չի ցանկանում մնալ իր գեղեցիկ հագուստում. միթէ նա էլ աշխարհի նորաձևութեան է հետևում, նա էլ զիտէ՞ զուգուել փափկասուն օրիորդների նման և իրան ցոյց տալ ուրիշներին: Նա հանդարտ աչք ու յօնքով իմաց արաւ իր քղանցը բռնող նաժիշտներին. նրանք հասկացան. կրտսերը դէպի ծովն շտապեց և բերաւ ասղի տակից նոր դուրս եկած ժապաւէններով ու երիզներով զարդարած ձիւնափայլ հագուստը: Հանեցին ծիրանին և քնքնույշ մատիկների ծայրով հազցրին նուրբ թափանցիկ շրջագգեստը և ճանապարհ մաղթելով դէպի ծովը սլացին:

Ե.



նչ գեղեցիկ է Թագուհու հագուստը, կարծես վերան է բուսած, կաթ է նրա երեսկահատը, ձիւն է նրա հանդերձը: Նա մէկ հագուստին էր նայում, մէկ ծովի մէջ իր պատկերը տեսնում շտկում ու դրստում իր վարսը: Գոհ իր զարդարանքից ու դէմքից վերջապէս երբ չորս բոլորը աչեց, յանկարծ աչքերը կրակեցին, ճակատը վեր պարզեց, հպարտացաւ, առաջուանից աւելի գեղեցկութեան վրայ գեղեցկութիւն եկաւ և խոխտ բացազանչեց. «Ես եմ գիշերուայ թագուհին, ես եմ միակ լուսաւորիչը համա-

տարած աշխարհի, ի՛նչ փառք ու պատիւ, ի՛նչ փափագ»։ Այսպէս զոռոգաբար երբ դէս-դէն էր նայում, յանկարծ կարծես մի բան գտած, ձեռը ճակտին տարաւ և հեզնական ժպտով բերանը բացաւ. «Ո՛ւր է, ո՛ւր է, ծոյլ արեգակը, ո՞ր անկիւնն է մտել, թո՛ղ դուրս գայ տեսնէ ի՛նչ անեղբ, անծայր աշխարհ* եմ լուսաւորում և ոչ թէ փախած մի պուճախ մըրափում։ Տե՛ս, տե՛ս, հա՛, հա՛, հա՛. նրանց աստղերին մտիկ տուէք, այս ու աջտեղ ինչպէ՛ս ցան ու ցրիւ ծպիւ-ծպիւ են անում, ա՛յ դուք անշնորհքներ, կարծում էք դուք էլ լոյս էք տալիս հա աջտեղ ցածում հողածիններին, դուք եղած չեղած՝ աշխարհի համար մի և նոյն է։ Չեմ իմանում թէ ինչո՛ւ այդպէս կոյր են նրանք. զարմացք. մի՛թէ ինձ չեն տեսնում և ինչո՛ւ չեն քաշվում գոնէ արեգակի նման մի անկիւն իրանց սև օրը սգում»։ Այսպէս ամբարահաւած գիշերուայ թագուհին գլուխը տընկած առաջ ընթացաւ. նա խոչընդոտ չունէր, լայն ու արձակ էր ճանապարհը, երկինքը ջինջ էր, աստղերը հետդհետէ պլպլացող տեսքով կարծես բսնում էին ամենուրեք կապուտակի վրայ. յարդգողի ճանապարհը, ինչպէս չորացած՝ գետի հուն ընկած էր երկնականմարի մի ծայրից միւսը։

Զ.



սում է արեգակը հեռու հեռու երկնականմարի մի կողմում, լսում են և աստղերը խումբ-խումբ այս ու աջտեղ. քթի տակն է ծիծաղում օրուայ թագաւորը, կարծես չեն լսում, զրոյց են անում իրար մօտ հաւաքուած աստղերը։ Բայց մի սուր ձայն՝ ականջ ծակող՝ բոլորի ուշք ու միտքը դէպի իրան հրաւիրեց. «Ո՛ւր է, ասում է նա, ո՛ւր է թէ մեր թագուհու պէս մէկը լինի, մի նայեցէք նրա կլոր լուսաւոր դէմքին, և տեսէք ի՛նչ գեղեցիկ ու հրապուրիչ է. մի՛թէ նրան կարելի է արեգակի հետ համե-

մատել, փորձեցէք նայել նրա չար դաժան դէմքին, նա կրճակձկէ իսկոյն իր սուր-սուր պողվատիկ ատրաշէկ նետերով, հապա մի նայեցէք որա կաթնանման երեսին, կարծես ամեն նայողին՝ հարստին ու աղքատին, մեծին ու փոքրին՝ ծիծաղում, բարև է տալիս և...»:

«Լուիւր, անպիտան, լուիւր քծնող կատու, փակէք այդ չիմարի կաշառուած բերանը, պատիւը կարծես հացի հետ է կերել»։ այս ու այն տեղից կարկտի պէս վրայ թափուեցան այդ խմբի աստղերը և պապանձացրին տեղն ու տեղը իբրև լուեկայն. բայց ճրտեղ. Սրականջ աստղը լսեց և ահա իմաց է տալիս իր ընկերներին.

— Բա չէք ասիլ—այնտեղ ցածր մի ուրիշ բանի վրայ են:

— Ի՞նչ է ասում, ի՞նչ կայ ասացիր ցածում, միտքս վրաս չէր. հարցրեց խալանջ աստղը:

— Չի՞ս իմանում, բա չես լսում ինչպէս աղաղակ են բարձրացրել, թակ ու մհակ կայ. իրանց հացն ուտում, ուրիշի վրայ են մտածում:

— Ի՛հ, դու էլ սար ու խուժով կըզցես խօսքը, ասա տեսնենք ի՞նչ կայ:

— Միթէ չլսեցիր ի՞նչ ասացի, կռիւ կայ այն էլ մեծ կռիւ, տեսնենք ի՞նչպէս կըվերջանայ. լուսնին զովում պախարակում են. միտդ է մի քիչ առաջ ինչպէս էր նա կուռած նորահարսի պէս գնում, մեզ վրայ ծիծաղում, ծաղրանում և արեգակին մրափող անուանում:

— Ի՛հ օրհնած, դու էլ որ այդ սուր ականջի տէրն ես՝ դարդերդ գլխիցդ անպակաս կըլինին. ի՞նչ կայ, թո՛ղ մի քիչ էլ նա պարծենայ, մի քիչ էլ նա ծիծաղի մեզ վրայ, հօ նրա ասածին պէս չդարձանք:

Սրականջը ուսերը վեր-վեր քաշեց, բարկացած հեռացաւ այդտեղից դէպի ուրիշ խումբ, ասաց, պատմեց ինչ որ իր սուր ականջները լսել էին. բայց նրանք ևս ուշք

չդարձրին, շուտով դադարեցրին խօսակցութիւնը: Մեր խելօքը կոյր ու փռման մի երրորդ խմբի էլ մօտեցաւ, բայց դարձեալ նոյն անյաջող ելքն ունեցաւ. նա բարկութիւնից ուզում էր պատուուի. «Տեսէք, ասում էր նա, տեսէք որքան կոյր, որքան անպատիւ, ճ՛հ ծերեր, ես ձեզ ի՛նչ ասեմ, որ սիրտս հաճատանայ. ասես թէ այնքան անպատուութիւնն ու վիրաւորանքը իրանց չլինի ուղղած լուսինը իր չիմար տեղովը. բանը սա է, որ դեռ գտնվում է մէկը որ գտվում էլ է նրան. անմիտ»: Իլ բարկութիւնից ոչինչ չկարաց խօսել և իր տեղը հանգիստ նստել. մէկ նայում էր հպարտ լուսնին, որ դեռ հեգնական ժպիտը բերանից չէր հեռացրել, մէկ իր ընկերակից աստղերին, որ անվրդով իրանց պատուական զրոյցն էին շարունակում:

Է.



Իշերուայ Թագուհին թարմ, կապուտակ երկնակամարի գազաթնակէտին հասաւ. մի շունչ քաշեց, զլուխը այս ու այն կողմը դարձրեց և եկած ճանապարհը սկսեց նայել. «Ո՛հ, որքան երկար ճանապարհ, բայց ինչպէ՞ս շուտով եկայ, հասայ. կարծես բնաւ ճանապարհ չեմ եկած, յոգնածութիւն ասածը չգիտեմ, դեռ սրա հարիւր չափ էլ կըգնամ և դադրածութեան նշոյլ անգամ չեմ ցոյց տալ. միթէ արեգակի նման եմ, որ մի քիչ տեղ գնամ, յոգնեմ ու ոտերս պարզեմ, հանգստանամ, հա՛, հա՛, հա՛, ի՛նչ եմ ասում, միթէ արժէ նրա մասին խօսել: Այս ամենաբարձր կէտն է, ահա բոլորքեանք էլ ինձ են նայում, այնտեղ հողածիւններն զմայլած իմ տեսքով. տես, տես, նրանք ազաչում են ինձ մնալ այստեղ, բայց չէ, ես ծոյլ չեմ, կը գնամ, իմ պարտականութիւնս կըկատարեմ»:

 ուրքեանք լսում են լուսնի այդ հպարտութեամբ լի խօսքերը, բայց ոչ ոք էլ բանի տեղ չի դնում, միայն դարձեալ Սրականջն էր որ պատուվում էր, մորթուց ուզում էր դուրս գալ, ականջի մէկը ցցած դէպի լուսինը, սկսեց մտածել. շատ մտածեց, մտածեց, շատ որոգայթներ, դարաններ սարքեց, բայց վերջը բոլորն էլ անկարելի տեսաւ: Վերջապէս մատը յանկարծ ճակտին տարաւ, նայեց արեգակին. «Հա, գտայ», ասելով՝ նետի պէս մի ակնթարթում հեռու հեռու երկնակամարի միւս կողմը — դէպի արեգակը սլացաւ:

 թուայ թագաւորը հասկացաւ նրա փորի ցաւը, իր խոշոր աչքերով բոլորը տեսել, իմացել էր. լուռ կանգնած հիւրին ան-եւ դրութիւնից հանելու համար դարձաւ. «Բարի լինի, այսպէս անժամանակ ի՞նչ բանի համար շնորհ բերիք:

— Բարի չեղած՝ բա ի՞նչ պիտի լինի. չմեղադրէք ինձ, ես մի բանի համար եմ եկել, անմիտ լուսինն է պատճառը, որ ձեզ պիտի ձանձրացնեմ իմ գանգատով. էլ ես ինչ ասեմ, դուք լաւ տեսած կրկնիք, թէ ինչպէս նա էլ հայհոյանք չմնաց որ չթափէ մեզ և գլխաւորապէս ձեզ վրայ: Անտանելի է ինձ համար այնպիսի լիմարի վիրաւորանքները, ինչպէս և ամեն մի հասկացողի համար. նա մեզ վիրաւորում, թքում է մեր երեսին, մենք ոչինչ չենք ասում և դեռ կան այնպիսիները, որ գովում էլ են նրան: Ի՛նչ ինչ ասեմ, բաւական չէ մի ցաւը, մի ուրիշն էլ մի տեղիցն է բանում. էհ, եկայ ձեզ մօտ, որ գոնէ դուք լի-նիք, իմ ցաւիս մի դարման անէք»:

Արեգակը մտքումը ծիծաղում էր Սրականջի վրայ,
բայց ինչպէս հեռացնէր գլխից, նրա հայեացքը պատաս-
խան էր ուզում: «Մի՛ ուշանար, գնան, շուտով կը հանգստա-
նաս. դու դեռ երիտասարդ ես, աշխարհից անտեղակ».
այս եղաւ Արեգակի պատասխանը:

Ժ.



Եր, զառամեալ ճերմակ զլուիններով աստղերը
խօսում ասում էին և երբեմն ծիծաղում Սրականջի վրայ:

— Տեսէ՞ք ուր գնաց, ասաց խլականջը, չի հանգստա-
նում տեղը, որքան անփորձ է և խակ. չէի ճանաչում դը-
րան. դեռ աշխարհի գաղտնիքները մի վարագուրով ծած-
կուած են նրանից. խեղճ, ինչպէ՞ս կատարել, ինչպէ՞ս
փրկել է:

— Մի՛ մեղադրիր, եղբայր, մէջ մտաւ Արագավազը.
մենք էլ մեր երիտասարդ ժամանակն աչգպէս անփորձ էինք.
տաք զլուի երիտասարդը շուտով ուզում է լուսինն պա-
տժուած տեսնել. նա համբերել չգիտէ:

— Ես բնաւ չեմ զարմանում, ասաց Անշարժը:

— Թէ՛ այսպէս թէ՛ այնպէս՝ նա շատ տաքազլուի է
ձեռք ու զլխով իմաց արաւ Մունջը:

— Մուն, լռեցէ՛ք, բաւական է, հրէն դալիս է Արե-
գակի մօտից. շատ հետաքրքրական է, թէ՛ Արեգակը ի՞նչ
է պատասխանել, ասաց Հետաքրքիրը:

— Ի՞նչ պիտի ասած լինի, չես իմանում, հասկանա-
լի է, պատասխանեց Արագավազը:

— Հասկացայ, բաւական է. ահա մօտեցաւ, նրա ա-
կանջներից վախեցէ՛ք:

 լուսինը՝ ինչպէս արծաթէ հալուածք՝ մերթ վառուող, մերթ հանգչող աստղերի արանքով հոսում էր դէպի ցած: Լուսիւնը կատարեալ էր. աստղերը դադրել էին զրոյց անելուց, գլուխները խոնարհած ննջում էին: Բայց չանցաւ փոքր ժամանակ, բոլորեքեանք էլ ցնցուած վեր տնկեցին գլուխները և մի բանի էին դիտում: Սրականջը չէր հասկանում նրանց միտքը, թէև ինքն էլ հետեց նրանց օրինակին:

«Հա, իմ ասածի պէս պիտի լինի, լուսիւնն ընդհատեց Սրատեսը:

Հասկացան բոլորեքեանք նրա միտքը, միայն էլի անփորձ Սրականջն էր, որ չէր հասկանում, բայց և հարցնել չէր ցանկանում:

«Տեսէք, մատն ուղղեց Սրատեսը, ահա կլոր մարմինը գալիս է, լուսնի դիմացը պիտի կտրի:

— Այո՛, ճիշդ է քո դիտողութիւնը, ամենքն էլ միաբերան պատասխանեցին:

ԺԲ:

 րորեքեանք՝ ծեր, երիտասարդ անքիթիթ նալում էին լուսինն և համրում էին վայրկեանները: «Մի ակնթարթ՝ և լուսնին պատժուած կը տեսնես». մտածում էր ամեն ոք: Եւ լիրաւի, անցաւ մի ակնթարթ և ամենայն ինչ փոխուեցաւ. լուսնի փայլուն ճակատը, կաթնանման երեսը, աննման քիթն ու պռունկը, նախշուն աչերը խորշոմներով ու մրով ծածկուեցան. մի վայրկեան էլ — ամբողջ մարմինն էլ մութը պատեց, մոյգ կարմիր գոյն ստացաւ:



Հ, այս ինչ դրութիւն է, կորչէի, չքանայի տիեզերքի վրայից, աւելի լաւ չէր», խոր յոգոց հանելով ասաց լուսինը քիթը կախ: Նա լիշում էր մօտ անցեալի փառքը և տեսնում էր ներկայ վիճակը, սիրտը կտրատում էր, աղիքը գալարում, քթից ծուխ բարձրանում:

«Անմիտ արարած, շտապեց դատաւճիռը տալ Սրականջը, որ նոր թէ հասկացել էր իր ընկեր աստղերի միտքը և արեգակի պատասխանը, էլ չէս լուսաւորում, մեծաբան, անունդ դրած Թագուհի. ո՛ր փախան ճերմակ-ճերմակ հանդերձներդ ասղնագործած, ինչո՞ւ թռաւ երեսիդ փայլը, ո՛ր է ոսկեհիւս ծամերդ, էլ խրոխտ հրաման չես արձակում նաժիշտներիդ հանդերձներդ փոխելու. չասես սգաւոր եմ, աւանդ բաղդը — Արեգակը շուռ տուաւ իր աչքերը քեզնից. երկինքը եղաւ պատճառ, թէ չար ոգիները իրանց կախարդութեամբ այդ օրին հասցրին քեզ. ողորմելի՛ ի՛նչ էիր երազում և ինչի. . .

— «Որդեակ, հիմա հանգստացար, մօտ կանչեցին Սրատեսին խօսքը կտրելով իր խմբի ծեր աստղերը, հասկացար մեր լուութիւնը և մեր անվրդով հոգին. դու դեռ երիտասարդ ես և այդպէս փորձով պիտի իմանաս մեր աշխարհի գաղտնիքները:

Մ Ե Լ Ի Ք

Բազու.





ՆՄԱՆՈՂԱԻԹԻՒՆ

(ԼԵՕՓԱՐԴԻ)



Հեռի բնիկ քո ուստէն,
Խղճուկ տերև դու նրկուն,
Ո՛ւր ես գընում: — Կաղնիէն,
Այն՝ ուր ծընայ, անջատեց
Քամին ինձի: Պտուղաբով,
Նա պուրակէն ինձ ի վաշտ,
Զորէն ի սար սաստկաբար
Հալածելով վարում է:
Իւր հետ անվերջ գընում եմ
Պանդխտական, այդ գիտեմ:
Գընում եմ, ուր այն ամէն,
Ուր գընում է ի հարկէ
Տերևիկըն վարդենի
Եւ տերևը սարդենու:

Ա. Մ. Ե. Պ.



ՆՐԵՔ ԾԱՆԿՈՒԹԻՒՆ



(Փոխադրութիւն)

Բնէ բան է բախտը, հացրեց փոքրիկ
Ջարուհին իր տատին:

Տատը՝ որ մի խելացի ու փորձուած
պառաւ էր, շփոթուեցաւ իր թուան
անակնկալ հարցից:

— Աշմարիտ որ ինչ բան է բախ-
տը, մտածեց նա: Մէկը կարծում է թէ բախտաւորու-
թիւնը հարստութեան մէջն է, միւսը կարծում է թէ
պատուի մէջն է. տեսնում ես երրորդը հարուստ էլ է,
մեծ անուն էլ ունի, բայց դարձեալ ուրախ չէ ապրում ու
ան քաշելով կրկնում է, որ Աստուած բախտ չի տալիս իրան:

— Տատի ջան, դէ ասա ինչ բան է բախտը, ստի-
պում էր Ջարուհին պառաւին:

— Բախտը մի չալ թուշնիկ է, ասաց տատը գլուխը
պրծացնելու համար: Նա ունի զանազան գոյնի, գեղեցիկ,
փոքրիկ փետուրներ...: Մարդիկ ընկնում են այդ թրուշ-
նիկի ետեւից և հէնց որ հանդիպում են՝ իոկոյն սկսում
են մի մի փետուր պոկել՝ որը կանաչ, որը վարդագոյն,
որն էլ կապոյտ...:

— Իսկ դու, տատի, որեւիցէ փետուր պոկած ես
նրանից:

Պառաւը՝ որ իր կեանքի մէջ շատ վշտեր էր կրած,
թաքուն կերպով հառաչեց:

—Պոկած եմ, կամաց ասաց նա, մի սև փետուր... պոչից....:

—Ուրեմն հով է աշխարհիս մէջ ամենքից բախտաւոր մարդը, շարունակում էր իր հարցուիորձը Զարուհին:

Այն մարդն է ամենից բախտաւորը, պատառիւնեց տատը, ով որ ոչ մի բանի ետեւից չի ընկնում, ոչինչ չի ցանկանում, այլ բաւականանում է Աստուծոյ տուածից:

—Ի՞նչ ես ասում, տատի, ոչինչ չըցանկալ անկարելի է, ասաց Զարուհին տարակուսած. դու ինքդ էլ երբեմն այս բանն ես ցանկանում, երբեմն այն բանը:

Տատը դարձեալ շփոթուեցաւ և մտածեց թէ ինչպէս երբեմն վաքրիկ երեխան կարողանում է շփոթել ծեր մարդուն:

—Լսիր, սիրելիս, ես կը պատմեմ քեզ թէ ինչ է յառաջանում այդ ցանկութիւններէց, ասաց պառաւր և հնարք մտածեց պատմութիւնով զբաղեցնել իր թուանը:

—Ո՛հ, պատմիր, ուրախանալով ասաց Զարուհին և աւելի մօտ նստեց տատին:

«Մի անգամ, սկսեց պառաւր, իրիկնադէմին՝ գիւղ մտաւ մի ալւուր ծերունի, որ տեղ խնդրէ գիշերն անցկացնելու: Գիւղի մի ծայրին գտնվում էր մի հարուստ տուն, իսկ միւս ծայրին՝ աղքատիկ, կիսափուլ մի խըրճիթ: Ծերունին մօտեցաւ հարուստ տանը և թոյլտուութիւն խնդրեց գիշերելու:

—Այստեղ իջեան չէ, գոռաց տանտէրը, հեռացիր այստեղից: Ձեզ պէս անտուն թափառականներ շատ են թրեւ գալիս, ասաց տանտիկինը չարացած: Քոյրերդ էլ որ տեղ տանք՝ մեզ ինքներիս տեղ չի մնալ»: Ծերունին առանց մի խօսք ասելու՝ դանդաղ քայլերով գնաց դէպի աղքատիկ խրճիթը: Այնտեղ տանտէրը սիրով ընդունեց նրան, նրա հետ միասին ընթրիք արաւ, ինչ որ Աստուած տուել էր և պառկեցրեց հիւրին իր աղքատիկ անկողնի

մէջ՝ իսկ ինքը պառկեց յատակի վրայ: Առաւօտը վաղ արթնացաւ, նայում է... ի՛նչ է տեսնում. նրա տունը մի նոր, ընդարձակ տուն է դառել, խոշոր պատուհաններով և պատշգամբով. մնաց հիացած ու սկսեց ծերունուց շնորհակալ լինել: Իսկ ծերունին նրան ասում է. «Ինձ պէս քաղցած ու յոգնած մարդուն տեղ տուիր, եղբօր պէս բաժանեցիր ինձ հետ վերջին կտոր հացդ. ես էլ ուրեմն միայն քո լաւութեան փոխարէն լաւութիւն արի: Այժմ ինչդիր ինչ որ ուզում ես. երեք ցանկութիւն կարող եմ կատարել»:

Մտածեց—մտածեց մեր գեղջուկը և ասաց ծերին. ոչինչ հարկաւոր չէ ինձ, հոգիս: Ես ազնիւ աշխատանքով եմ ձեռք բերում իմ հացը, ոչ ոքին չեմ նախանձում, ոչ ոքին վնաս չեմ տալիս, ուրեմն երջանիկ եմ: Կէս դար ապրելուց յետոյ, ի՛նչ պէտք է ցանկայ ինձ պէս մի մեծակ մարդը:—«Ուրեմն, դու համեստ մարդ ես, ասաց նրան ծերունին. որ մեռնես՝ արքայութեան արժանի կը լինիս»:

Ու գնաց իր ճանապարհը: Բայց դեռ մի վերստ էլ չէր հեռացել, որ նրա ետեւից հասաւ ա՛յն հարուստ գիւղացին՝ որ նրան տեղ չէր տուել գիշերն անցկացնելու:—«Տեսայ, ասում է նա, թէ ինչպէս դու խեղճ Յովհաննէսի համար լաւ տուն էիր շինել և շատ զոջացի, որ մեղաւոր էի մնացել քո դէմ: Արի քէն մի՛ պահիր, մէկ այգալիսի տուն էլ ինձ համար շինիր»:—«Քեզ համար տուն չեմ շինիլ, պատասխանեց ծերը, բայց թո՛ղ այդպէս լինի, երեք ցանկութիւն կրկատարեմ. ցանկացիր ինչ որ ուզում ես»:

Ուրախացաւ մեր նախանձոտ գիւղացին ու շնորհակալ եղաւ ծերունուց. իսկ ինքն սկսեց դէն քշել մոծակներին, որ սաստիկ խալթում էին նրան այդ տաք կէսօրին:

—Քիչ է մնում կուլ տամ անիծածներին, ասաց նա: Մէկ էլ տեսնես, մոծակները ամբողջ խմբով թռչում են:

նրա բերանը և նա հէնց կուլ է տալիս: «Հայրիկ ջան, աղաչեց նա ծերունուն, դէն քշիր մոծակներին... բոլորովին խեղդեցին»: Մոծակներն իսկոյն հեռացան գիւղացուց: «Կայծակը զարնէ՛ դրանց, զոչեց նա բարկացած: Թրը՛խկ... կայծակը խփեց և մոծակներին ամբողջապէս սպանեց տեղնիտեղը: «Հազի՛ւ թէ պրծանք, ուրախացաւ գիւղացին: Լա՛ւ, այժմ կասեմ թէ ինչ եմ ցանկանում...:

— Էլ բան չըկայ քեզ ցանկալու, պատասխանեց ծերունին: Յանկացար մոծակներին կուլ տալ՝ կուլ տուիր, ցանկացար որ հեռանան՝ հեռացան. ցանկացար որ կայծակը խփէ նրանց ու սպանէ՛ սպանեց. ամբողջ երեք ցանկութիւններդ էլ միանգամից կատարուեցան:

Ազա՛հ գիւղացին սկսեց բարձրաձայն ողբալ, իսկ ալեւոր ծերունին կամաց-կամաց շարունակեց իր ճանապարհը:

Խ. ՄԱՌԱՆԿՈՋԵԱՆՑ





ԹԻՖԼԻՍ. ՎՕՐՈՆՅՈՎԻ ԱՐՁԱՆԸ.



ԳԻՏՈՒԹԻՒՆ


ԵՐԿՐԻՍ ԵՒ ԻՐ ՎՐԱՅ ԵՂԱԾ ԱՐԱՐԱԾՆԵՐԻ ՄԱՍԻՆ

ԶՐՈՅՅՆԵՐ

Եթէ դուք հասկացաք, թէ ինչ բան է հաւասարա-
սրունք եռանկիւնին, թէ ինչպէս պէտք է գետնի
վրայ չափած անկիւնը փոխադրելով վերցնել և մա-
կարդակի վրայ դնել, թէ ինչպէս պէտք է թղթի
վրայ կազմած եռանկիւնու գաղաթից ուղիղ գիծ թող-
նել մեզ յայտնի կողմի վրայ, որ կըլինի եռանկեան հիմ-
նադիծը կամ խարիսխը, և այլն, ապա հասկանում կը-
լինիք հիմա թէ ինչպէս են շինում մակարդակը նոյն իսկ այն-
պիսի տեղերում ևս, ուր հասնել չեն կարողանում անմատչելի
լինելու համար: Այս էլ ասեմ ձեզ, որ եթէ դետը շատ լայն է
և միւս կողմը հասարակ աչքով տեսնել չկարողանաք, պէտք է
հեռաւորութիւնը ցոյց տուող գործիք ունենաք.— հեռադէս: Հե-
ռադիտով նայած ժամանակ նոյնը պէտք է անէք, ինչ որ պարզ
աչքով նայում էիք:

Դիցուք մեզ հարկաւոր է գիտենալ մեր եկեղեցու բարձ-
րութիւնը. ինչպէս չափենք այդ: Դիցուք եկեղեցուց արևելեան
պատը, մի ծալրից մինչև միւս ծալրը, հաւասար է 10 սաժէ-
նի. ուրեմն մէջ տեղը գտնելու համար մի ծալրից կըչափենք
5 սաժէն. նոյնը կանենք և արևմտեան պատի կէսը գտնելու
համար: Այդ գտած կէտերից եթէ մտքով մի գիծ անցկացնենք,
կանցնի եկեղեցու կենդրոնի միջից: Հիմա գտած կէտերից չա-

փենք անքան արշին կամ սաժէն տարածութիւն, որի ծալրից եթէ նայելու լինինք եկեղեցու խաչի ծալրին, երևայ մեզ: Այդ տեղից քանոնի օգնութիւնով կազմենք 45°-ի մի անկիւն. մի և նոյնն անենք և դիմացի պատի կողմից: Դիցուք թէ պատից սկսած մինչև մեր կանգնած կէտը չափել ենք և գտել, որ հաւասար է 5 սաժէնի. ուրեմն երկու կողմի չափը կըլինի 10 սաժէն: Այս 10 սաժէնի վրայ աւելացնենք հիւսսային կամ հարաւաչին պատի ամբողջ գումարը. այսպիսով կըստանանք արևելեան և արմտեան երկու կէտերի մէջ տեղը գտնուած ամբողջ տարածութիւնը. թող այդ ամբողջ տարածութիւնը հաւասար լինի 20 սաժէնի. ուրեմն եռանկեան հիմնագիծը պէտք է լինի 20 սաժէն. կամ եթէ ամեն մի 10 սաժէնի համար



2և 7.

վեր առնենք կէս վերշոկ, թղթի վրայ կըքաշենք մի եռանկիւնի, որի չափագիծը կամ խարիսխը պիտի լինի մի վերշոկ: Ապա մեկով այդ հիմնագծի վրայ, այսինքն երկօքին ծալրերի վրայ 45°-ի երկու անկիւններ, զձերը կըշարունակենք. դրանք կըկրտուեն մի տեղ, և ահա այդ կտրած տեղի անկիւնը կիսելով, մի ուղիղ գիծ կըքաշենք կիսած տեղից հիմքի վրայ. դա կըլինի եռանկեան բարձրութիւնը, որ է և եկեղեցու բարձրութիւնը: Այդ գիծը կչափենք մի և նոյն չափով, որով հիմնագիծն ենք չափել և գուրս կը գայ որ ճիշդ հիմնագծի կէսն է, այսինքն կըլինի կէս վերշոկ կամ 10 սաժէն. ուրեմն եկեղեցու բարձրութիւնը 10 սաժէն է:

Ի նկատի ունեցէք, որ եթէ ձեր կազմած եռանկեան հիմնագծի երկու ծալրերի վրայ կազմած անկիւնները 45°-ից աւելի կամ պակաս լինին, այն ժամանակ չէք կարող գտնել նրա բարձրութեան չափը մեր այս ցոյց տրուած եղանակով. պէտք է ուրիշ եղանակ գիտենաք չափելու, որի մասին մենք ոչինչ չենք ասում:

Դուք այժմ տեսնում էք, որ կարելի է չափել եկեղեցու բարձրութիւնը, առանց բարձրանալու նրա վրայ: Այդ եղանակով կարելի է չափել նաև ծառերի բարձրութիւնը, սարերինը, երկրն-

քում կանգնած մի ամպի բարձրութիւն, նոյն իսկ լուսնի, արեգակի, աստղերի բարձրութիւնը և այլն: Այժմ տեսնում էք, որ անկարելի չէ իմանալ թէ լուսինը, արեգակը և ամեն մի աստղ մեզանից քանի վերստ կամ մղոն հեռաւորութիւն ունի:

Այսպէսով իմացել են որ լուսինը մեր երկրից հեռու է 358,650 վերստ, իսկ արեգակը՝ 137 միլիօն և 723 հազար վերստ: Երևակայեցէք թէ լուսինը և արեգակը ի՜նչ ահագին մեծութիւն պիտի ունենան, որ մենք կարողանում ենք տեսնել նրանց: Այդպէս չափելով իմացել են, որ ամեն մի աստղ մեզանից աւելի հեռու է, քան թէ լուսինն ու արեգակը: Իմացել են, որ արեգակը մեր երկրից շատ մեծ է, իսկ լուսինը՝ համարեա՜ չորս անգամ փոքր է մեր երկրից: Կըշուսամ որ դուք հաւատում էք իմ ասածներին. հաւատում էք, որ լուսինը, արեգակը և աստղերը չափուած են և այդպիսով իմացել են, որ աստղերից շատերը անհամեմատ մեծ են արեգակից: Այդ ամենը չափելու ժամանակ նոյնպէս հեռադիտակն ու եռանկիւնին եղել են չափողների ձեռքում. առանց այդ գործիքների անկարելի էր չափելը:

Նայեցէք աստղազարդ երկնքին. չէ՞ք տեսում որ թէ լուսինը, թէ արեգակը և թէ բոլոր աստղերը ազատ են կանգնած և կամ լողում են օդի մէջ: Այդպէս մեր երկիրը գտնվում է օդի մէջ և ամենայն կողմից շրջապատուած է օդով, ո՛չ մի բանի վրայ չէ դրուած և ո՛չ մի բանից չէ կախուած: Այս զարմանալու բան չէ, քանի որ երկրիցս անհամեմատ մեծ արեգակն ու աստղերն ևս չեն դրուած ո՛չ մի բանի վրայ, և չեն կախուած ո՛չ մի բանից:

Արեգակն ու լուսինը՝ երևում են մեզ տափարակ բոլորշի. բայց եթէ հեռադիտակ գործիքով նայենք, կըտեսնենք որ նրանցից ամեն մինը կլոր գնդակաձև է. այնքան ահագին են այդ գունտերը, որ երկրիս երեսին ո՛չ մի բանի հետ չենք կարող հաւասարել նրանց: Արեգակից անհամեմատ մեծ գունտեր են աստղերն ևս: Եթէ երկնքում գտնուած բոլոր լուսաւոր մարմինները, լուսինը, արեգակը և բոլոր աստղերը գնտաձև են, պէտք է կարծենք, որ մեր երկիրն էլ գնտաձև է, որովհետեւ մեր երկիրն էլ նրանցից մինն է և բացառութիւն չէր կազմելու: Հեռադիտակի օգնութիւնով միայն կարողանում ենք տեսնել այնպիսի աստղերն ևս, որոնց կարող չէինք տեսնել առանց հեռադիտակի: Այդ գործիքով տեսնում ենք որ երկնքի անսահման տարածութեան մէջ լողում են անթիւ անհամար գունտեր: Ինչպէս որ

անսահման է երկնքի տարածութիւնը, այնպէս և անթիւ ու անհամար են նրանում գտնուած աստղերը:

Արեգակը փայլում է, կարծես կրակից է բաղկացած, բայց լուսինը՝ նրա չափ պայծառ չէ փայլում. արեգակին նայելիս, իսկոյն ևեթ նրա լոյսը խտրում է, ծակում է մեր աչքերը և մենք ստիպուած ենք լինում լուսից դարձնել մեր դէմքը, այն ինչ լուսինին կարող ենք ժամերով նայել, մեր աչքերը չեն ծակծրկւում. այս ինչիցն է: Նրանից է, որ լուսինը իրանից լոյս չունի, արեգակն է լուսաւորում նրան. այդ պատճառով էլ նրա լոյսը թոյլ լինելով, չի խտրում մեր աչքերը: Լուսինը տեսնում ենք գիշերով և ցերեկով. ցերեկն աւելի պակաս է նրա լոյսը, քան թէ գիշերը: Գիշերները չի երևում մեզ արեգակը, որովհետև գտնվում է մեր երկրի միւս կողմում, բայց այդ կողմից ևս ուղարկում է լուսնին իր լոյսը և լուսաւորում է. ցերեկով լուսնի լոյսը պակաս է երևում մեզ այն պատճառով, որ արեգակն ինքն է գտնվում երկնքում և իր լոյսը անհամեմատ պայծառ լինելով, նսեմացնում է լուսնի լոյսը: Եթէ ցերեկով ճրագը կամ լապտերը վառէք և դնէք տանը, նրանք այնպէս չեն լուսաւորիլ, ինչպէս գիշերները. դրա պատճառն ևս արեգակն լոյսի պայծառութիւնն է: Լուսինը ցերեկով արեգակի առաջ այն է՝ ինչ որ է մի մեծ հրդեհի առաջ մի փոքրիկ մոմի լոյսը:

Ասացինք որ լուսինը խաւար է, ինքն իրանից լոյս չունի. այդ կարողացել են ստուգել հեռադիտակով: Կան խաւար աստղեր ևս, որոնք փայլում են նոյնպէս արեգակի լոյսով: Եթէ լուսնի վրայից նայելու լինէինք մեր երկրի վրայ, կրտեսնէինք որ մեր երկիրն էլ փայլում է լուսնի և աստղերի պէս, ըստ որում մեր երկիրն ևս լուսաւորվում է արեգակի լոյսով: Այդ բոլորից կարող ենք եզրակացնել որ մեր երկիրն էլ այն աստղերից մէկն է, որոնց տեսնում ենք երկնքում. սա ևս նրանց պէս մի գունտ է և լուսաւորվում է նրանց պէս: Բացի այս ասածներիցս, որից դուք տեսաք թէ մեր երկիրն ևս մի գունտ է, ձեզ կըստմեմ հիմա ուրիշ փաստեր ևս, որ ձեզ աւելի կըհամոզեն, թէ արդարև մեր երկիրը մի ահագին և խաւար գունտ է:

Երբ մի տափարակ դաշտում շինուած է լինում մի զլուղ և ունենում է իր մէջ մի բարձր եկեղեցի, այդ զլուղը զնալիս, դուք առաջ կըտեսնէք եկեղեցու գաղաթը, յետոյ զանգակատան խաչը, յետոյ նրա կաուրը և վերջապէս յատակը: Եթէ գանդակատան և մեր տեսութեան մէջտեղում գետնի երեսը բարձրացած

լինէր բլրակերպ, հասկանալի կըլինէր, թէ ինչո՞ւ մենք հետըզհետէ մօտենալով եկեղեցուն, տեսնում ենք աստիճանաբար նրա դագաթից սկսած դէպի ցած՝ մինչև յատակը: Բայց բանը նրանումն է, որ մեր և վանդակատան մէջ տեղը ոչ մի թումբ, ոչ մի բլրակ չեղած ժամանակն էլ այդ երևույթն ենք տեսնում ամենատափարակ դաշտի վրայ: Մի ուրիշ օրինակ: Նաւը լողում է ջրի վրայ, նրան բաւականին երկար ժամանակ տեսնում են ծովի ափին կանգնած մարդիկ. հետզհետէ նաւն սկսում է ծածկուիլ նայողների տեսութիւնից. դալիս է մի ժամանակ, որ միայն նրա կայմերն ու առագաստներն են երևում, վերջապէս զրանք ևս անհետանում են: Կարծես թէ նաւն ամբողջապէս ծովի մէջ լարուեց: Բայց բարձրացէք այդ ժամանակ մի բարձր կտրի վրայ, նոյն նաւը նորից կը տեսնէք. ուրեմն ոչ թէ մեր աչքը նոյն հեռաւորութեան վրայ չէր տեսնում նաւը, այլ չտեսնելու պատճառն ուրիշ բան էր: Եթէ որ հեռաւորութեան պատճառով չկարողանայինք տեսնել, պէտք է որ նաւը գնալով փոքրանար, որ հազիւ նշմարելի լինէր և այդպիսով բոլորովին ծածկուէր, անհետանար մեր աչքից: Բայց այդպէս չի լինում իրօք, այլ նա գնալով կարծես ցածանում է և նախ յատակն է աներևույթանում, յետոյ պատերը, ապա տանիքը, վերջապէս առագաստները և ամենից յետոյ կայմի վերին ծայրը: Բայց հէնց որ բարձրանում ենք մի բարձր շինութեան վրայ և նայում, նորից երևում է նա մեզ: Այդ նշանակում է նրա և մեր մէջ մի արգելող բան կար, որ չէր թոյլ տալիս տեսնել նրան: Այդպէս էլ տափարակ դաշտի վրայ շինուած գիւղի և մեր մէջ մի բան արգելում է մեզ հէնց սկզբից տեսնել շէնքերի յատակը, այլ տեսնում ենք առաջ նրանց վերին մասերը և հետզհետէ մօտենալով, ստորին մասերն էլ ենք տեսնում:


Եթէ որ երկիրս տափարակ լինէր, ինչպէս որ տան յատակն է կամ սեղանի երեսը, այն ժամանակ ոչ մի բան չէր արգելիլ մեզ տեսնել նաւը ծովի վրայ և եկեղեցին տափարակ դաշտի վրայ այնպէս՝ ինչպէս վերևն ասացի. այսինքն պէտք է տեսնէինք մինչև այն կէտը, որտեղ կըհասնէր մեր հայեացքը: Բայց մեր երկիրը սեղանի և տախտակի պէս տափակ չէ, այլ մի դունտ է: Այդ դունտը իր կորնթարթ մակերևույթով արգելում է մեր տեսութիւնը. ուր որ էլ կամենաս դնա՞, միայն թէ տեղդ լինի հարթ և հաւասար, դու կընկատես միշտ այն ամենը, ինչ որ պատմեցի: Միշտ կըտեսնես, որ եթէ մօտենում ես առարկային,

Նրա վերի մասերից սկսած տեսնում ես աստիճանաբար իջնելով մինչև յատակը. իսկ եթէ հեռանում ես նույն առարկայից, կամ եթէ դու անշարժ մնում ես և առարկան է քեզնից հեռանում, այդ դէպքում նախ անհետանում է նրա ստորին մասը և աստիճանաբար ու հետզհետէ ծածկվում են քո տեսութիւնից նրա վերին մասերը:

Ուրեմն այս խնդիրը վճռած համարենք. մեր երկիրը գընտաձև է, ինչպէս և լուսինը. նրանից էլ չորս անգամ մեծ է: Ուրեմն եթէ գունտ է երկիրս, կարելի է պտտել նրա շուրջը: Եւ իրաւ՝ եթէ մի որոշ տեղից, օրինակի համար Երևանից, սկսենք և յառաջ գնանք միշտ դէպի մի կողմ, դիցուք դէպի արևելք, մի քանի ամիսներից կամ տարուց յետոյ, անշուշտ կրկին կը վերադառնանք Երևան: Բայց ոչ արևելեան՝ որտեղից դուրս էինք եկել, այլ արևմտեան կողմից: Այդպիսի փորձեր շատ են արել գիտուն ճանապարհորդները և այդպիսով համոզուել են, որ գունտ է մեր երկիրը:

Մեր երկրի մեծութիւնը գիտունները ճիշդ հաշուել իմացել են. եթէ նրա մէջտեղից մի թել քաշէինք և ծայր ծայրի կապէինք, այդ թելի երկարութիւնը կըլինէր 37,050 վերստ: Այդ պատճառով ասում ենք, երկրիս շրջագծի երկարութիւնը 37,050 վերստ է: Եթէ կառքով օրական 200 վերստ ճանապարհ կը տրէինք, այդ արագութիւնով երկրիս շուրջը պտտելու համար, հարկաւոր կըլինէր 185 օր: Ի հարկէ երկաթուղիով և շոգենաւով մի օրում 200 վերստից աւելի կանցնէինք: Մոսկվայից մինչև Պետերբուրգ 600 վերստ է. այդ տարածութիւնը արագընթաց երկաթուղիով 15 ժամուայ մէջն ենք անցնում: Եթէ հողագնտի շուրջ-բոլորը շինուած լինէր այդպիսի ճանապարհ, կարող էինք ողջ երկրագնտի շուրջը պտտել 39 օրուայ և մի քանի ժամուայ մէջ:

Ս. Ք. ԲԷԳ-ՆԱԶԱՐԵԱՆՅ.



ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

Հատ երգեցէք. — Բժշկական խմբի մը նորերս ըրած քննութիւնները ցուցին որ երգելն առողջութեան շատ օգտակար է: 222 երգչաց՝ 9—53 տարեկան, կուրծքն քննութեան ենթարկուցաւ, եւ տեսնուեցաւ որ երգչաց կուրծքն համեմատութեամբ չերգողներուն՝ շատ լայն կ'ըլլայ եւ երգչին հասակին հետ ածուժը կը մեծանայ: Ասով երգչաց կուրծքն աւելի ամուր կ'ըլլայ եւ թոքն առողջագոյն, եւ ասոնք ալ երգչին հասակին հետ կ'աճին: Երգելն մի միակ առաջարկել ղեղն է թոքախտի, մի միակ միջոց կրծոց աճման եւ զօրանալուն. եւ այս կողմանէ մարմնամարզութենէ լաւագոյն է:

«Հ. Ա.Տ.»

Պարտիզպանական փորձառութիւնք. — Շատերը վարդասարդի (oléandre) եւ ուրիշ ծառերու վրայ սրճի մրուր (marc de café) կը թափեն կարծելով թէ օգտակար է: Սակայն սրճի մրուրն ամէն տեսակ ճճիներու բոյն է: Սրճի մրուրին պարարտութեամբը տունկը՝ թէպէտ ի սկզբան կը պարարտանայ եւ արագ կը զարգանայ, բայց քիչ մը վերջը կը սկսի թոռմիլ եւ շուտով կը փճանայ: Եթէ սրճի մրուրով պարարտացած տնկի մ'արմատը զննենք, կը գտնենք որ մեծ աւեր գործած են ճճիները: Վարդասարդը չոր, ղեղնագոյն եւ փոքր

տերեւներ կ'արծակէ, ծաղիկները կամայ կամայ գեղեցիկ վարդագոյնը կը կորսնցընեն, եւ կոկոնները չեն բացուիր, այլ ոսնեալ եւ չոր կը թափին:

Սրճի մրուրն այն ատեն լաւ պարարտութիւն կ'ըլլայ տնկոց, երբ խառնուած ըլլայ կաւի, աւազի եւ փայտածխոյ փոշոյ եւ պարտիզի հողի հետ, ուստի եւ իբրեւ համակրական (homéopathe) միայն. ապա թէ ոչ ղիւրաւ կը թթուի, եւ ինչպէս րսինք, ամէն տեսակ ճճեաց թրխարան կը դառնայ, եւ փոխանակ օգտակար ըլլալու տնկին՝ կ'ըլլայ վնասակար: Ամէնէն լաւն է եթէ իբրեւ խառնուրդ՝ ուրիշ պարարտութեանց հետ փորձածուի, օդոյ, արեւու եւ անձրեւի ազդեցութեան տակ լաւ խմորելէն հտեւ:

«Հ. Ա.Տ.»

Կէտ ձկան խաղը. — Ֆրանսիական մի փոքրիկ շոգենաւ Նիւ-Ֆառնդլէնդի ափերին մերծ քիչ կանգ առաւ, երբ նրա հետ պատահեց հետեւեալ տարօրինակ արկածն: Շոգենաւի վրայ մնացել էր նաւապետը եւ խոհարարը. մնացեալ մարդիկ նաւակով զնացել էին ծով որսալու: Յանկարծ նաւապետը նայեց որ շոգենաւը հողմի արագութեամբ սլանում է յառաջ. ահագին կէտ ծովը չանթելով խարխիւլը առաջ էր սուրում. սակայն հնարագէտ նաւապետը իսկոյն ելք գտաւ անխուսափելի վտանգից փրկուելու. նա կտրեց խարխիւի շղթան, որ կորաւ ջրի տակ կէտի հետ, իսկ ինքն շտապեց Նիւ-Ֆառնդլէնդ նոր խարխիւ գնելու:



ԻՆՔՆՕՐԻՆԱԿ ԼՐԱԳԻՐ.

Ամբերկայի Սուրբ Երեմիայի քաղաքում արդէն երկու տարի է ահա լոյս է տեսնում մի ինքնօրինակ լրագիր. դրա անունն է «Բանտի Հայելի», վասնզի խմբագրող և հրատարակողները բանտի մատնուածներն են. բացի սովորական յօդուածներէց՝ այդ լրագրում տպւում են և բանտարկեալների կենսագրութիւնը, որ իսկապէս նրանց գործած յանցանքների անկեղծ խոստովանութիւնն է և բացատրում է այն հանգամանքները, որոնց ազդեցութեան տակ նրանք գործել են իրանց մեղքերը: Լրագիրն ունի 300 բաժանորդ տեղական բնակիչներից և 30 բաժանորդ բանտարկեալների միջից:

ԿՐԹՈՒՆԾ ԿԱՊԻԿՆԵՐ.

Մի երկրագործ չորս ամիս վարժեցնելով սովրեցրեց կապիկներին սերմել, հնձել, կասել և այլն. այդ փորձերը սակայն, պէտք է աւելացնենք, նոր չեն. երկու հարիւր տարի առաջ արդէն սովրեցրել էին կապիկներին ջուր կրել, իսկ Չինաստանում վարժեցրել էին նրանց չաչ հաւաքել:





ՀԱՆԵԼՈՒԵՆԵՐ

Առաջ. Ա. Ս.

1) Փոքրիկ շունը դռանը պառկած
Դունչն ու պուռնգը շուռ է տուած.
Նա չի հաչում և ոչ կծում,
Ոչ օտարին է ներս թողնում:

* *

2) Ինքս կոյր եմ, բան չեմ անում,
Լեղու չունիմ, ձայն չեմ հանում.
Մոլորածին կուրախացնեմ,
Ճանապարհին միշտ կուղեկցեմ:

* *

3) Այնքան նիհար, հիւանդոտ եմ,
Որ կըշարժեմ մարդու ես ղուլթ.
Բայց զլիով հաստ սոկերոտ եմ,
Ծանրութիւնս կըլինի մի փուլթ:

* *

4) Պար եմ գալիս սենեակում
Քուլէքը բռնած ձեռքում,
Որքան շատ եմ պտըտվում
Այնքան և շատ զիրանում:

* *

5) Ամառ ժամանակ հաստ և տաք քուրքում,
Իսկ ձմեռուայ օր՝ ճերմակ սաւառնում:

«Աղբիւրի» անցեալ №№ 8—9-ի մէջ տպուած բերուսի առաջին վճուղը եղի է օր. Համեստունի Գանջեցեան, Շուշույ. երկրորդ Թիֆլիզից պ. Նսպալէօն Տիրացուեան: Ուրեմն մեր խոստացած մրցանակը, տ. Մարգարիտ Ալէքսանեանի ինքնագիր շքեղ ալբոմը, պիտի ստանայ օր. Հ. Գանջեցեանը, բայց յարգելի օրիորդը այդ թանգագին մրցանակը նուիրում է մեր ազգային հաստատութիւններէրց մէկին, ուր մենք բարւոք կրհամարենք: Ուստի մենք էլ որոշեցինք ուղարկել Արղունի Հայոց ուսումնարանին:

Բերուսի բովանդակութիւնը վեր է առած պ. Ղ. Աղայեանցի բանաստեղծութիւններէրց եւ այս է անա՝

**Լաւ ի միտ առէք, անվեհերութիւն,
Ահա այս է միակ վսեմ յատկութիւն:**

Բ Ե Ր Ո Ւ Ս

Առաջ. Ա. Սարգսեանի.



Նախընթաց №№-ի մէջ եղած խնդրի, հանելուկի եւ բերուսի բաշատրութիւնները. — 96
69, Անուանը, Լաւ ի միտ առէք, անվեհերութիւն,
անա այս է միակ վսեմ յատկութիւն:

Խմբագիր-հրատարակիչ՝ ՏԻԳՐԱՆ ՆԱԶԱՐԵԱՆ